


尚史

世家




漢書門類			
八	一	九	號
六	七	函	
一	架		
三	二	冊	

內閣文庫	
漢	八一九
齊	三二
函	一五
冊	架


內閣文庫	
番號	漢 8819
冊數	32 (22)
函號	286 88

五

六七



尚史



鄭世家
始宣王二十一年終安王二十五年凡三百二十年傳二十一世

襄平李錯鐵君甫纂

世家六

桓公

桓公名友周厲王少子宣王庶弟也年表作母弟宣王二十二年桓

公初封于鄭史索隱鄭縣名屬京兆紀年宣王二十二年王錫

鄭克之乃居鄭父之邱名之曰鄭是曰桓公八年王錫司徒鄭伯多父命系本桓公居棫林徙拾宋忠云棫林拾皆舊地名封桓公乃

名為鄭封三十三年桓公為司徒甚得周衆與東土之人問于

史伯曰王室多故余懼及焉其何所可以逃死史伯對曰其濟洛河潁之間乎是其子男之國號鄩為大號叔恃勢鄩仲恃險

尚史

鄭世家卷六

是皆有驕侈怠惰之心而加之以貪冒君若以周難之故寄拏與賄焉不敢不許周亂而弊是驕而貪必將背君君若以成周之衆奉辭伐罪無不克矣若克二邑鄆蔽補丹依槩歷莘君之士也若前莘後河右洛左濟主莽駝山名而食溱洧脩典刑以守之唯是可以少固公說乃東寄拏與賄虢鄆受之十邑皆有寄地國韓非子鄭襲鄆取之紀年晉文侯十語四年鄭人滅虢十六年鄭遷于溱洧三十六年犬戎殺幽王酈山下并殺桓公史記在位三十六年謚曰桓

武公 莊公 二十二年 春秋

武公名突滑譙周古史記作掘突索隱非也昭公名忽厲公名突豈有子孫同名乎蓋舊史雜記昭厲之名誤以為桓公之子也犬戎殺幽王桓公死之鄭人共立突滑武公字

是為武公

韓非子武公欲伐胡先以其女妻胡君以媮其意因問羣臣曰吾欲用兵誰可伐者大夫關其思對曰胡可伐武公怒而戮之曰胡兄弟之國也子言伐之何也胡君聞之以為親已遂不備鄭鄭襲胡取之武公十年娶

申侯女為夫人曰武姜生太子寤生後生少子段二十七年公

疾夫人請立段公弗聽公薨在位二十七年謚曰武寤生立是

為莊公元年封弟段于京號大叔史記二十二年隱元大叔

將襲鄭夫人將啟之公命公子呂帥車二百乘以伐京京叛大

叔段入于鄆公伐諸鄆大叔出奔共段子公孫滑出奔衛衛

人為之伐我取廩延我以王師虢師伐衛南鄙請師于邾及邾

人魯公子豫盟于翼二十三年隱二伐衛討公孫滑之亂也初

武公及公並為平王卿士王貳于虢公怨王王曰無之故周鄭

交質王子狐為質于鄭鄭公子忽為質于周二十四年隱三年平

王崩桓王立周人將昇虢公政公使祭仲帥師取溫之麥秋又

取成周之禾周鄭交惡冬公及齊侯盟于石門宋殤公之即位

也公子馮來奔我欲納之及衛州吁立將脩先君之怨于我使

告于宋曰伐鄭以除君害君為主敝邑以賦與陳蔡從二十五

年隱四年宋陳蔡衛伐我圍我東門五日而還秋諸侯復伐我敗

我徒兵取其禾而還二十六年隱五年侵衛牧牧衛衛以燕師伐

我公子曼伯子元以制人敗燕師于北制邾人來告曰請君釋

憾于宋敝邑為道秋我以王師會之伐宋入其郛冬宋伐我圍

長葛二十七年隱六年我如魯渝平和而不盟曰平始與魯和也夏五月公侵

陳大獲秋宋人取長葛冬公如周始朝桓王王不禮焉二十八

年隱七年及宋平盟于宿冬及陳平陳五父來及公盟良佐大如

陳及陳侯盟陳請妻公子忽公許之二十九年隱八年公請釋泰

山之祀而祀周公以泰山之祊易魯許田三月使宛大如魯歸

祊不祀泰山也成王賜周公許田以為魯朝宿之邑後世因立

鄭以天子不能復巡符故欲以祊易許田各從本國所近之秋

公以齊人朝王三十年隱九年宋不王公為王左卿士以王命討

之伐宋秋以王命如魯告伐宋冬北戎侵我公禦之大敗戎師

三十一年隱十年公會魯侯齊侯于中邱盟于鄧為師期夏會伐

宋六月公會魯侯齊侯于老桃我師入郛入防歸于魯秋我師

入郊猶在郊宋衛入我蔡從之伐戴八月公圍戴克之取三師
九月公入宋冬及齊人入郕三十二年隱十一年公會魯侯于時來
秋會齊魯伐許入之齊以許讓魯魯弗受乃與我公使許大夫
百里奉許叔以居許東偏曰天禍許國鬼神實不逞于許君而
假手于我寡人寡人唯是一二父兄不能共億其敢以許自為
功乎寡人有弟不能和協而使餬其口于四方其况能久有許
乎吾子其奉許叔以撫柔此民也吾將使獲也佐吾子若寡人
得没于地天其以禮悔禍于許無寧茲許公復奉其社稷唯我
鄭國之有請謁焉如舊昏媾其能降以相從也無滋他族實徧
處此以與我鄭國爭此土也吾子孫其覆亡之不暇而况能禪

祀許乎寡人之使吾子處此不唯許國之為亦聊以固吾圉也
乃使公孫獲處許西偏曰凡而器用財賄無寘于許我死乃亟
去之吾先君新邑于此王室而既卑矣周之子孫日失其序夫
許大岳之肩也天而既厭周德矣吾其能與許爭乎王取郟劉
為邲鄭四邑于我而與我蘇忿生之田温原絺樊隰郕攢茅向盟
州陘隤懷十二邑皆蘇忿生之田周于是始失鄭鄭息有違言息侯伐我
公與戰于竟息師大敗而還冬公以虢師伐宋大敗宋師三十
三年桓元年公會魯侯于垂以璧假許田卒易枋田也夏四月及魯侯
盟于越結枋成也盟曰渝盟無享國傳此下有鄭伯拜盟事杜注鄭伯自來則經不書若遣使則當言鄭人不得稱鄭伯疑誤今闕之三十四年桓二年宋華督弑瑒公三月公會諸

侯齊魯于稷以成宋亂秋公會蔡侯于鄧始懼楚三十七年五

年公及齊侯朝于紀欲以襲之桓王奪公政公不朝秋王以諸

侯伐我公禦之戰于繻葛王卒大敗祝聃射王中肩祝聃請從

之公曰君子不欲多上人况敢陵天子乎苟自救也社稷無隕

多矣夜使祭仲勞王且問左右三十八年桓六北戎伐齊我救

齊大敗戎師三十九年桓七盟向二邑見隱求成于我既而背

之秋我及齊衛伐盟向王遷盟向之民于邾四十二年桓十冬

公及齊衛與魯戰于郎四十三年桓十一年我及齊衛盟于惡曹夏

五月公薨左傳在位四十三年謚曰莊

昭公 厲公 子嬰 子儀附

昭公名忽厲公名突忽莊公之世子突其庶子也初祭仲有寵

于莊公為公娶鄧曼生忽宋雍氏女于莊公曰雍姑生突莊公

四十四年桓十一年公薨祭仲立忽雍氏宗有寵于宋故誘祭仲而

執之曰不立突將死亦執突而求賂焉祭仲以突歸而立之是

為厲公初北戎伐齊在桓六年齊乞師于我世子忽帥師救齊大敗

戎師獲其二帥大良少良甲首三百以獻于齊于是諸侯之大

夫伐齊饋之餼使魯為其班後鄭忽以其有功也怒故有郎

之師郎師在魯之未昏于齊也齊侯欲以文姜妻忽忽辭人問

其故忽曰人各有耦齊大非吾耦也詩云自求多福在我而已

大國何為及其敗戎師也齊侯又請妻之固辭人問其故忽曰

無事于齊吾猶不敢今以君命奔齊之急而受室以歸是以師昏也民其謂我何遂辭諸莊公祭仲曰必取之君多內寵子無大援將不立三公子謂子突子儀皆君也弗從及厲公立忽奔衛宋以立厲公故多責賂于鄭鄭不堪命厲公元年桓十年魯侯欲平宋鄭宋辭平冬魯侯會公盟于武父遂及我師伐宋戰于宋二年桓十年公會魯侯紀侯及齊宋衛燕戰齊宋衛燕敗績既而公使魯請修好三年桓十年公會魯侯于曹夏五月公使弟語如魯盟冬宋人以齊蔡衛陳伐我焚渠門入及大逵伐東郊取牛首以大宮之椽歸為盧門之椽大宮鄭祖廟四年桓十年春三月桓王崩莊王立祭仲專公使其壻雍糾殺之祭仲殺雍糾公出

奔蔡夏五月世子忽入是為昭公秋厲公因櫟人殺檀伯鄭櫟大夫而遂居櫟冬魯宋衛陳會于袤伐我謀納厲公弗克而還昭公元年桓十年魯宋衛陳蔡伐我二年桓十年冬十月高渠彌弑公而立公子亶子亶昭公之弟也秋齊侯師于首止子亶會之齊人殺子亶轅高渠彌祭仲逆子儀于陳而立之子儀亦昭公之弟也子儀三年莊三年魯侯將會公謀紀紀有齊難故公辭以難厲公在櫟故四年莊四年公及齊侯陳侯遇于垂十二年莊十二年莊王崩僖王立十四年莊十四年厲公自櫟侵鄭獲傅瑕與之盟夏六月傅瑕弑公及其二子而納厲公初內蛇與外蛇鬪于鄭南門中內蛇死六年而厲公入厲公入遂殺傅瑕厲公後元年莊十五年公會諸侯

齊宋 于郵齊始霸秋我侵宋二年莊十年宋齊衛伐我秋荆伐我

及櫟冬諸侯齊魯宋陳衛同盟于幽我成故三年莊十年僖王崩

惠王立我不朝齊齊人執我鄭詹詹自齊逃來四年莊十年公使周

原莊公逆王后于陳六年莊十年王子頹作亂公和王室不克執

燕仲父南燕伯子頹黨遂以王歸處于櫟秋王及公入于鄔遂入成周

取其寶噐而還冬王子頹享五大夫樂及徧舞公聞之見虢叔

曰寡人聞之哀樂失時殃咎必至今王子頹歌舞不倦樂禍也

夫司寇行戮君為之不舉而况敢樂禍乎奸王之位禍孰大焉

臨禍忘憂憂必及之蓋納王乎虢公曰寡人之願也七年莊十年

春鄭虢胥命于弭弭鄭地夏同伐王城公將王自圍門入虢叔

自北門入殺王子頹及五大夫公享王于闕西辟樂備惠王復辟亦備

六代王與之武公之畧自虎牢以東周原莊公曰鄭伯效尤其

亦將有咎五月公薨八月葬厲公公之為公子也北戎侵我莊

公禦之患戎師曰彼徒我車懼其侵軼我也公曰使勇而無剛

者嘗寇而速去之君為三覆以待之戎輕而不整貪而無親勝

不相讓敗不相救先者見獲必務進進而過覆必速奔後者不

救則無繼矣乃可以逞從之大敗戎師左傳昭公亡四年復入

二年高渠彌弑之謚曰昭子疊立一年齊殺之子儀立十四年

傅瑕弑之無謚按傅例寡立者諸侯既與之會則不得復討臣

十四年垂之遇經已書鄭伯及其遇厲公立四年出亡亡十四

弑諸侯不加討國人不議謚非禮也

年復入又七年薨前後在位十一年謚曰厲

文公

文公名捷厲公之子也厲公薨文公立文公六年莊二十七年公會

諸侯齊魯宋陳同盟于幽七年莊二十八年荆伐我諸侯齊魯宋救我楚師

夜遁國人將奔桐邱謀人告曰楚慕有烏乃止八年莊二十九年我

侵許十三年閔二年公惡高克大夫使帥師次于河上久而弗召師

潰而歸高克奔陳十四年僖元年楚伐我荆始改號曰楚公會諸侯齊魯宋曹

盟于榿謀救我十五年僖二年楚侵我因聃伯十六年僖三年楚

伐我公欲成孔叔大夫不可十七年僖四年公會諸侯齊魯宋陳衛許曹侵

蔡蔡潰遂伐楚次于陘楚屈完及諸侯盟于召陵王以惠后故

將廢世子鄭而立王子帶十八年僖五年公及諸侯齊魯宋陳衛許曹會

王世子于首止秋八月諸侯盟王使周公召公曰吾撫女以從

楚輔之以晉可以少安公喜于王命而懼其不朝于齊故逃歸

不盟孔叔止之弗聽十九年僖六年諸侯齊宋鄭魯衛曹伐我圍新城楚

圍許以救我諸侯乃還二十年僖七年齊伐我孔叔請下齊公曰

姑少待夏我殺申侯大夫以說于齊秋諸侯盟于甯母公使世子

華聽命于會華言于齊侯曰洩氏孔氏子人氏三族實違君命

請去之齊侯辭冬公使請盟于齊閏月惠王崩襄王惡王子帶

之難懼不發喪二十一年僖八年諸侯會王人于洮謀王室公乞

盟請服也二十二年僖九年公會宰周公及諸侯齊魯宋衛許曹于葵邱

二十四年僖十一年王子帶召戎伐京師入王城明年王討王子帶

子帶奔齊二十六年僖十三年公會諸侯齊魯宋陳衛許曹于鹹淮夷病杞

且謀王室也秋為戎難故諸侯戍周明年諸侯城緣陵而遷杞

二十八年僖十五年楚伐徐公會諸侯前諸侯盟于牡邱遂次于匡諸

侯之大夫救徐二十九年僖十六年冬殺世子華十二月公會諸侯

齊魯宋陳衛許邢曹于淮三十一年僖十八年公朝楚三十二年僖十九年我及陳

蔡楚盟于齊三十三年僖二十年滑叛我而服于衛我入滑三十四

年僖二十一年公及諸侯宋楚陳蔡許曹會于孟楚執宋公以伐宋冬諸侯

盟于薄釋宋公三十五年僖二十二年諸侯宋衛許滕伐我楚伐宋以救

我戰于泓宋師敗績夫人芊氏姜氏勞楚子于柯澤楚子入享

享畢夜出文芊送于軍取我二姬以歸三十六年僖二十三年晉公

子重耳過我公不禮焉叔詹大夫諫弗聽我之入滑也滑人聽命

在僖二十年師還又即衛三十七年僖二十四年我伐滑王使伯服游孫

伯二子周大夫請滑初子頹之難厲公及虢公納惠王王巡虢守虢

公為王宮于珥王與之酒泉厲公之享王也王以后之鞶鑑予

之虢公請噐王子之爵公怨惠王不與厲公爵又怨襄王之與

衛滑也故不聽王命而執二子王怒以狄伐我取櫟既而王子

帶以狄師攻王王出適鄭處于汜秋八月宋公如楚還入于鄭

公享宋公有加禮冬公與孔將鉏石甲父侯宣多並鄭大夫省視宮

具于汜而後聽其私政謂省官司具噐用明年晉納王殺王子

帶四十年僖二十七年冬楚子會公及諸侯陳蔡許圍宋四十一年僖二十八年

年僖二十八年晉侯侵曹伐衛以救宋夏四月晉侯齊師宋師秦師及楚

人戰于城濮楚師敗績鄉役之三月城濮役之前三月公如楚致其師

楚既敗而懼使子人九行成于晉晉欒枝入盟公五月晉侯及

公盟于衡雍晉獻楚俘于王駟介百乘徒兵千公傅王用平禮

用平王享晉文侯之禮冬公會諸侯晉魯齊宋蔡陳莒邾秦于温天王狩于河陽四

十二年僖二十九年周王子虎會諸侯之大夫晉魯宋陳秦蔡盟于翟泉謀

伐我四十三年僖三十年晉侵我秋晉人秦人圍我以我無禮于晉

且貳于楚也晉軍函陵秦軍汜南公使燭之武大說秦伯秦伯

說與我盟使戍之乃還晉亦去之四十四年僖三十一年公子瑕出

奔楚四十五年僖三十二年夏四月公薨左傳在位四十五年謚曰文

穆公

穆公名蘭文公之子也母燕姑文公之賤妾文公之殺世子華

也在僖十六年逐羣公子公子蘭奔晉文公四十三年僖三十四年蘭從晉

侯伐鄭請無與圍鄭許之使待命于東石癸侯宣多逆以為大

子以求成于晉晉許之四十五年僖三十五年文公薨蘭即位是為

穆公穆公元年僖三十六年秦師襲我滅滑而還晉敗秦師于殽冬

我及晉陳伐許討其貳于楚也楚侵陳蔡遂伐我納公子瑕僖三十七年

瑕奔楚我殺瑕三年文二十二年公會諸侯宋陳及諸侯之大夫魯盟于

垂隴冬公子歸生及諸侯之大夫晉宋陳伐秦取汪及彭衙而還

尚

四年文三 我會諸侯之師伐沈沈潰八年文九 公會諸侯魯齊

陳許 晉大夫盟于扈九年文八 秋八月襄王崩頃王立十年文九

晉 楚伐我我及楚平諸侯之大夫晉魯宋 救我不及楚師十一

年 公及陳侯會楚子于息遂及蔡侯次于厥貉將以伐宋

宋逆楚子遂道以田孟諸宋公為右孟公為左孟孟田獵 十四

年 魯侯朝晉還公會魯侯于棗請平于晉魯侯成之十五

年 春頃王崩匡王立夏公會諸侯魯宋陳 晉大夫同盟于

新城陳鄭宋服故且 十六年文十 公會諸侯盟于扈謀伐齊齊

賂晉侯不克而還十八年文十 宋弒昭公石楚及諸侯之大夫

陳 晉衛 伐宋曰何故弒君宋賂晉猶立文公而還夏晉會諸侯于

扈晉侯不見公以為貳于楚也公子歸生以書告晉趙盾晉使

鞏朔行成于我以趙穿公壻池為質我以大子夷石楚為質公

以晉受齊宋之賂也曰晉不足與也遂受盟于楚陳以楚之不

禮共公也受盟于晉二十年宣元 楚及我侵陳遂侵宋晉救陳

宋會于棗林以伐我楚救我遇于北林晉人還冬晉宋伐我二

十一年宣二 公子歸生受命于楚伐宋戰于大棘宋師敗績獲

華元樂呂夏晉宋衛陳侵我楚救我晉師去之冬十月匡王崩

定王立二十二年宣三 晉伐我及邲我及晉平夏楚侵我冬公

薨初燕姑夢天與已蘭以為子文公與之蘭而御之生公故名

公曰蘭及公有疾曰蘭死吾其死乎刈蘭而卒墨子鄭穆公當

尚

鄭世家卷六

七

有神入門而左鳥身素服三絕而狀正方公懼神曰帝享女明德使子錫女壽十年有九使若國家蕃昌子孫茂母失鄭公再拜稽首曰敢問十月葬穆公左傳在位二十二年謚曰穆神曰予為句芒

靈公 襄公

靈公名夷穆公大子也穆公薨靈公即位靈公元年宣四夏六月

公子歸生弒公立庶子去疾去疾辭乃立其兄堅是為襄公

是年冬楚伐我鄭未服故襄公元年宣五楚伐我陳及楚平晉救我

伐陳二年宣六楚伐我取成于厲既成公逃歸三年宣七及晉

平公會諸侯晉宋衛曹盟于黑壤周王叔桓公臨之以謀不睦五年

宣九公及諸侯晉宋衛曹會于扈陳不會晉以諸侯之師伐陳冬楚

為厲之役故伐我晉救我敗楚師于柳禁六年宣十我及楚平

夏諸侯晉宋衛曹之師伐我取成而還冬楚伐我晉救我逐楚師于

穎北諸侯之師成我七年宣十楚伐我公及楚子陳侯盟于辰

陵既盟又微事于晉八年宣十楚圍我旬有七日我卜行成不

吉卜臨于大宮且巷出車吉國人大臨守陴者皆哭楚子退師

國人修城進復圍我三月克我入自皇門至于達路公肉袒牽

羊以逆曰孤不天不能事君使君懷怒以及敝邑孤之罪也敢

不唯命是聽其俘諸江南以實海濱亦唯命其翦以賜諸侯使

臣妾之亦唯命若惠顧前好微福于厲宣桓武不泯其社稷使

改事君夷于九縣君之惠也孤之願也非所敢望也敢布腹心

君實圖之左右曰不可許也得國無赦楚子曰其君能下人必

能信用其民矣庸可幾乎退三十里而許之平潘廼楚大夫入盟

公子去疾鄭伯弟出質夏晉救我及楚師戰于邲晉師敗績公及

許男如楚十年宣十四年晉伐我為邲故告于諸侯蒐焉而還我懼

使公孫張即子張穆公孫代去疾于楚公如楚謀晉十六年成二年冬楚

及我師侵衛十一月公子去疾及楚公子嬰齊魯侯蔡侯許男

及諸侯之大夫秦宋陳衛齊曹邾薛鄆盟于蜀十七年成三年晉會諸侯魯

衛伐我我敗晉師于邱輿皇成如楚獻捷夏公子去疾伐許冬

復伐許十八年成四年春三月公薨夏四月葬襄公左傳在位十八

年謚曰襄靈公初謚幽襄公六年宣十年改葬之謚曰靈

悼公

悼公名費襄公子或弟未詳襄公十八年成四年薨悼公即位是年冬公

孫申疆許田許敗諸展陂公伐許取鉏任泠敦之田悼公元年

成五年許愬我于楚公如楚訟不勝楚執皇成公子發穆公子公歸

使請成于晉秋公及晉趙同盟于垂棘冬十一月定王崩簡王

立十二月公會諸侯晉魯齊宋衛曹邾杞同盟于蟲牢鄭服故二年成六年公

如晉拜成夏六月公薨左傳在位二年謚曰悼

成公

成公名踰悼公之弟也悼公二年成六年薨成公即位是年秋楚

伐我我從晉故晉救我楚師還成公元年成七年公如晉見且拜師秋

楚伐我諸侯晉魯齊宋衛曹邾杞救我我軍楚師軍攻也囚鄭公鍾儀獻

諸晉秋八月同盟于馬陵二年成八年晉侵蔡及楚公會晉師門
 于許東門大獲焉三年成九年公會諸侯晉魯齊宋衛曹莒杞同盟于蒲楚
 以重賂求我公會楚公子成于鄧秋公如晉晉討其貳于楚也
 執諸銅鞮而伐我我使伯蠲行成晉人殺之楚侵陳以救我公
 孫申謀之曰我出師以圍許為將改立君者而紓晉使晉必歸
 若冬我圍許示晉不急君也四年成十年春衛侵我三月公子班
 聞公孫申之謀立公子繻國人殺繻立太子髡頑公子班出奔
 許晉樂書曰鄭人立君我執一人焉何益不如伐鄭而歸其君
 以求成夏五月晉會諸侯魯齊宋衛曹伐我我使公子然盟于脩澤
 公歸自晉公討立君者殺公孫申及其弟叔禽六年成十二年晉楚

成盟于宋公如晉聽成七年成十三年公會諸侯晉魯齊宋衛曹邾滕伐秦戰
 于麻遂秦師敗績夏六月公子班自訾入殺公子印公子羽皆穆
 公及軍于市公子駮即子駟亦穆公子盡焚之殺班及其弟駮八年成十四年
 我伐許敗焉公復伐許入其郛許人平以公孫申之封魯成十四年
 公孫申疆許田許敗之不能定九年成十五年公會諸侯晉魯衛曹
 其封今許以是所封田求和曹成公殺宣公歸之于京師夏楚侵我
 同盟于戚晉侯執曹伯曹成公殺宣公歸之于京師夏楚侵我
 及暴隧我侵楚取新石冬公子鮒及諸侯之大夫晉魯齊宋衛邾會吳
 于鍾離十年成十六年楚以汝陰之田求成于我我叛晉公子駮及
 楚子盟于武城夏我侵宋宋敗我于洧陂我覆之敗諸洧陵衛
 伐我至于鳴鴈晉伐我我使告于楚楚子救我六月晉楚戰于

鄢陵楚師敗績秋晉會周尹子及諸侯魯齊衛宋邾伐我次于鄭西

遷于制田晉以諸侯之師侵陳遂侵蔡未反諸侯遷于潁上公

子喜宵軍之宋齊衛皆失軍十一年成十年我侵晉虛滑衛救晉

侵我夏五月大子髡頑侯孺為質于楚楚成我晉會周尹子單

子及諸侯宋衛曹齊邾伐我自戲童至于曲洧楚救我諸侯還冬諸

侯復伐我十一月圍我楚救之師于汝上諸侯還十二年成十年

我侵宋遂會楚子伐宋取朝郟侵城郛取幽邱同伐彭城納宋

魚石向為人鱗朱向帶魚府以三百乘成之而還十三年襄元年

晉伐我入郟敗我徒兵于洧上楚救我侵宋我侵宋取犬邱秋

九月簡王崩靈王立十四年襄二年我侵宋公疾公子騂請息肩

于晉公曰楚君以鄭故親集矢于其目非異人任寡人也若背

之是棄力與言其誰暱我免寡人唯二三子秋七月公薨經書六月

誤左傳在位十四年謚曰成

僖公

僖公名髡頑成公之太子也成公十四年襄二年薨僖公即位于

是公子喜當國攝君公子騂為政為正公子發為司馬晉師侵

我諸大夫欲從晉公子騂曰官命未改秋七月諸侯之大夫晉

宋衛曹邾會于戚謀城虎牢以偪我冬復會于戚遂城虎牢我成僖

公元年襄三年公朝晉夏六月公會周單子及諸侯晉魯宋衛同

盟于雞澤三年襄五年公使公子發聘于魯秋公會諸侯晉魯宋衛同

莒邾滕薛
齊吳郕

于戚會吳且戍陳冬楚伐陳公會諸侯

晉魯宋
衛曹齊會于

城棣以救陳五年

襄七年

楚伐陳諸侯會于鄆以救之公如會及

鄆公子駢使賊夜弑公而以瘡疾赴于諸侯明年夏葬僖公

左傳

在位五年謚曰僖

簡公

簡公名嘉僖公太子也公子駢弑僖公太子生五歲奉而立之

簡公元年

襄八年

羣公子以僖公之死也謀公子駢駢先之辟殺

羣公子夏四月我侵蔡獲蔡公子燮五月晉侯會諸侯之大夫

魯齊宋
衛邾

于邢公獻捷于會冬楚伐我公子駢公子發公孫輒欲

從楚公子嘉公孫薑公孫舍之欲待晉駢曰姑從楚晉師至吾

又從之乃及楚平使王子伯駢

大夫

告于晉曰君命敝邑偕而車

服敝而師徒以討亂畧蔡人不從敝邑之人不敢寧處悉索敝

賦以討于蔡獲司馬燮獻于邢邱今楚來討曰女何故稱兵于

蔡焚我郊保馮陵我城郭敝邑之衆夫婦男女不遑啟處以相

救也翦焉傾覆無所控告民死亡者非其父兄即其子弟夫人

愁痛不知所庇民知窮困而受命于楚孤也與其二三臣不能

禁止不敢不告晉使行人對之曰君有楚命亦不使一介行李

告于寡君而即安于楚君之所欲也誰敢違君寡君將帥諸侯

以見于城下唯君圖之二年

襄九年

晉會諸侯

魯宋衛曹莒邾
滕薛杞小邾齊伐

我我恐乃行成冬十一月同盟于戲將盟六卿及其大夫門子

皆從公晉士弱為載書曰自今日既盟之後鄭國而不唯晉命是聽而或有異志者有如此盟公子駢趨進曰自今日既盟後鄭國而不唯有禮與彊可以庇民者是從而敢有異志者亦如之荀偃曰改載書公孫舍之曰昭大神要言焉若可改也大國亦可叛也乃盟而還晉人不得志于我十二月以諸侯復伐我次于陰口而還楚伐我公子駢將及楚平公子嘉公孫薑曰與大國盟口血未乾而背之可乎駢曰吾盟固云唯彊是從今楚師至晉不我救則楚彊矣且要盟無質背之可也乃及楚平同盟于中分三年襄十年我及楚伐宋衛救宋師于襄牛我使皇耳侵衛衛獲皇耳于犬邱秋我及楚侵魯西鄙還圍蕭克之九

月侵宋北鄙晉會諸侯

魯宋衛曹莒邾齊滕薛杞小邾

伐我師于牛首冬盜殺

公子駢公子發公孫輒

尉止司臣侯晉堵女父子師僕五人皆士也故書盜

諸侯之師城

虎牢而戍之晉師城梧及制

鄭舊地

戍之我及晉平楚救我晉與

楚夾潁而軍公孫薑曰諸侯既有成行必不戰矣從之亦退不從亦退退楚必圍我不如從楚亦以退之宵涉潁與楚人盟晉師還侵我北鄙而歸楚人亦還四年襄十一年我患晉楚之故公孫舍之曰與宋為惡諸侯必至吾從之盟楚師至吾又從之則晉怒甚矣晉能驟來楚將不能吾乃固與晉于是使疆場之司惡于宋宋侵我大獲夏舍之侵宋四月晉會諸侯前諸侯伐我六月圍我我懼乃行成秋七月同盟于亳楚伐我公逆之伐宋九月

諸侯悉師復伐我我使良霄大宰石奐如楚告將服于晉曰孤以社稷之故不能懷君君若能以玉帛綏晉不然則武震以攝威之孤之願也楚人執之諸侯之師觀兵于我東門我使王子伯駢行成晉趙武入盟公冬十月公孫舍之出盟晉侯十二月會于蕭魚六年襄十年楚歸良霄石奐七年襄十年公孫薑及諸侯之大夫晉魯齊宋衛曹莒邾滕薛杞小邾會吳于向夏四月公孫薑會諸侯之大夫前諸侯伐秦冬公孫薑會諸侯之大夫晉魯宋衛曹莒邾滕薛杞小邾于戚衛孫林父逐獻公立殤公故會戚以定之八年襄十年晉悼公卒公孫夏如晉奔喪公孫薑送葬九年襄十年公會諸侯晉魯宋衛曹莒邾滕薛杞小邾于溴梁大夫盟夏公會諸侯之大夫晉魯宋衛曹莒邾滕薛杞小邾伐許許請遷也十一年襄十年公會諸侯前諸侯同圍

齊公子嘉欲去諸大夫將叛晉而起楚師以去之夏楚伐我十二年襄十年諸侯盟于祝柯圍齊之諸侯秋殺公子嘉然丹子良出奔楚公孫舍之當國公孫夏聽政立公孫僑為卿十三年襄十年公會諸侯前諸侯同盟于澶淵十四年襄二十年公會諸侯晉魯齊宋衛曹莒邾滕薛杞小邾于商任晉欒盈叛會以錮之十五年襄二十年公及諸侯晉魯齊宋衛曹莒邾滕薛杞小邾會于沙隨復錮欒氏也十七年襄二十年公如晉朝且請伐陳秋公會諸侯晉魯宋衛曹莒邾滕薛杞小邾于夷儀將以伐齊水不克冬楚伐我以救齊諸侯還救我十八年襄二十年公會諸侯前諸侯于夷儀伐齊夏公孫舍之伐陳入之秋諸侯前諸侯同盟于重邱齊成也公孫僑獻陳捷于晉受之冬公如晉拜陳之功公孫夏復伐陳陳及我平

十九年襄二十六年楚秦侵我敗我師囚皇頡印董父而獻于秦秦

歸我印董父夏良霄會魯侯及諸侯之大夫晉宋于澶淵討衛

疆戚田取懿氏六十以與孫林父而執衛侯獻秋公及齊侯如

晉請衛侯許之既歸使公孫夏如晉聘冬楚伐我二十年襄二十七

年宋向戌欲弭諸侯之兵夏良霄會諸侯之大夫晉楚魯宋齊

蔡許于宋秋七月盟于宋既盟公享晉趙武于垂隴二十一年

襄二十八年蔡侯朝晉歸過我公享之公使游吉如楚及漢楚人還

之嫌鄭伯不親朝秋公如楚冬十一月靈王崩景王立十二月楚子卒

二十二年襄二十九年葬楚子公送葬于西門之外五月葬靈王公

孫舍之使印段如周我饑公孫舍之卒罕虎為政六月公孫段

會諸侯之大夫晉魯齊宋衛曹城杞吳公子札來聘冬良霄強

使公孫黑如楚黑怒將攻霄大夫和之十二月大夫盟二十三

年襄三十年公如晉夏公及其大夫盟六月公孫僑如陳涖盟秋良

霄又將使黑如楚黑以駟氏之甲伐而焚之霄奔許公及其大

夫盟于大宮盟國入于師之梁城門之外良霄入伐舊北門駟

帶率國人伐之霄死冬罕虎及諸侯之大夫晉魯齊宋衛曹

會于澶淵宋災故二十四年襄三十一年公如晉罕虎使印段如楚

以適晉告二十五年昭元年楚公子圍來聘且娶于公孫段氏罕

虎會諸侯之大夫晉楚魯齊宋于號晉趙武魯叔孫豹曹大夫

過我公享之夏游楚穆公及公孫黑爭妻放楚于吳六月公及

大夫盟于公孫段氏秋公孫僑如晉聘且問晉侯疾二十六年

昭二年 殺公孫黑 黑將作亂殺 晉少姜卒冬印段如晉弔二十七

昭三年 公如晉晉再納齊女秋罕虎如晉賀夫人冬公如楚楚

子及公田江南之夢二十八年 昭四年 許男如楚楚止之遂止公

復田江南夏公及諸侯 楚蔡陳許徐滕頓胡沈小邾宋 會于申秋公先歸使大

夫從楚子伐吳克朱方遂伐賴滅之九月公孫僑作邱賦 正十

當出馬一匹牛三頭今子產 二十九 昭五年 晉韓起如楚罕虎

游吉勞諸索氏三十年 昭六年 鑄刑書 鑄刑書于鼎以 夏楚公子

棄疾如晉過我公勞諸祖三十一年 昭七年 魯侯如楚公勞于師

之梁夏公孫僑如晉聘三十二年 昭八年 晉成虎祁 宮 公如晉賀

三十三年 昭九年 游吉及諸侯之大夫 魯宋 會楚子于陳三十四

年 昭十年 晉平公卒公如晉及河晉人辭游吉遂如晉秋罕虎如

晉會葬晉平公三十五年 昭十年 楚圍蔡罕虎會諸侯之大夫 晉

齊宋衛 于厥懋謀救蔡三十六年 昭十年 春三月公薨夏六月葬

簡公 左傳 在位三十六年謚曰簡

定公

定公名寧簡公之子也簡公三十六年 昭十年 薨公即位夏公如

晉晉侯享公公辭于享請免喪而後聽命 簡公未 定公元年 昭十

公會周劉子諸侯 晉魯齊衛宋曹莒 于平邱罕虎卒四年 昭十

六年 晉韓起來聘八年 昭二年 公孫僑卒十年 昭二十年 景王崩悼王

立冬悼王崩敬王立王子朝作亂王居于狄泉十二年昭二十四年

公如晉十三年昭二十五年游吉會諸侯之大夫晉魯宋衛曹邾滕薛小邾于黃

父晉令輸王粟具戍人曰明年將納王十四年昭二十六年王入于

成周王子朝出奔楚十六年昭二十八年夏四月公薨六月葬定公

左傳在位十六年謚曰定

獻公

獻公名蠆定公之子也史記定公薨公即位元年魯昭之二十九

年也二年昭三十年晉頃公卒游吉如晉弔且送葬四年昭三十二年國

參會諸侯之大夫晉魯齊宋衛曹莒薛杞小邾于狄泉城成周八年定四年公

會周劉子諸侯晉魯宋蔡衛陳許曹莒邾頓胡滕薛杞小邾齊于召陵侵楚十年定六年

游速滅許以許男歸周儋翩王子朝餘黨因我以作亂于周我伐馮

滑胥靡負黍狐人闕外周六邑二月魯侵我為晉討我伐胥靡也冬王處于

姑猶十一年定七年公及齊侯盟于鹹冬王入于王城十二年定八年

晉會周成桓公侵我圍蟲牢報伊闕也冬公及衛侯盟于曲

濮游吉卒十三年定九年夏四月公薨六月葬獻公左傳在位十三

年謚曰獻

聲公

聲公名勝獻公之子也獻公薨公即位元年定十年游速會齊侯

衛侯于安甫二年定十一年及魯平魯叔還來蒞盟六年定十五年罕達

伐宋敗宋師于老邱晉荀寅士吉射叛八年哀二年齊人輸吉射

栗罕達送之晉趙鞅禦之戰于鐵我師敗績十三年哀七年宋侵

我叛秋宋圍曹冬我救曹侵宋十五年哀九年我圍宋雍邱宋

皇瑗圍我師罕達救之敗績宋取我師于雍邱夏宋伐我十六

年哀十年宋伐我初宋平元之族自蕭來奔平族公子地昭二十

定十四年奔鄭我為之城岳戈錫三邑鄭宋十八年哀十年宋向巢伐我

取錫遂圍岳罕達救岳圍宋師十九年哀十年取宋師于岳二十

一年哀十年公伐宋冬晉伐我二十二年哀十年孔子卒二十四年

哀十年敬王崩元王立二十六年哀十年諸侯會于廩邱為我故謀

伐晉我辭諸侯三十三年哀二十年晉荀瑶伐我我請救于齊齊

救我晉師還三十七年悼四年荀瑶圍我左傳是年公薨史年表作

記三十八

年在位三十七年謚曰聲

世家七

哀公 共公 幽公 繻公 鄭君

哀公名易聲公之子也哀公八年國人弑公立聲公弟丑是為

共公共公三十年薨子幽公已即位幽公元年韓武子伐我殺

幽公國人立幽公弟駘是為繻公繻公十五年韓景侯伐我取

雍邱我城京十六年我伐韓敗韓兵于負黍二十三年我圍韓

陽翟二十五年公殺相子陽二十七年子陽之黨弑公而立幽

公弟乙為君是為鄭君鄭君乙二年負黍反復歸韓十一年韓

伐我取陽城二十一年韓哀侯滅我并其國史記

贊曰鄭周出也莊公裁為桓公孫于周為近乃取麥取禾馴至

尚史

楚其後也昆吾氏夏之時嘗為侯，桀之時湯滅之，彭祖氏殷之時嘗為侯，伯殷之末世滅彭祖氏，季連生附沮，附沮生穴熊，其後中微或在中國或在蠻夷，弗能紀。六世鬻熊，季連之苗裔也。鬻熊事文王，蚤卒。見諸子傳其子曰熊麗，熊麗生熊狂，熊狂生熊繹。史記世家

熊繹 熊艾 熊黜 熊勝 熊楊

熊繹楚始封之君也。當周成王之時，舉文武勤勞之後嗣而封熊繹于楚蠻，封以子男之田。姓芊氏，居丹陽。楚子熊繹與魯公伯禽、衛康叔子牟、晉侯燮、齊大公子呂伋俱事成王。熊繹生熊艾，熊艾生熊黜，熊黜生熊勝，熊勝以弟熊楊為後。鄒誕本楊作錫，又作場。

熊楊生熊渠史記世家

熊渠 熊翔熊摯附 熊延 熊勇 熊嚴 熊霜仲雪附

熊徇 熊罥

熊渠當周夷王之時，王室微，諸侯或不朝，相伐。熊渠甚得江漢間民和，乃興兵伐庸、楊越。至于鄂，熊渠生子三人：熊渠曰我蠻夷也不與中國之號，謚乃立其長子康為句亶王。系本康作庸，亶作祖。中子紅為鄂王。一本作襲，紅襲音贄，非是。少子執疵為越章王。系本無執，字越，作就。皆在江上楚蠻之地。及周厲王之時，暴虐，熊渠畏其伐楚，亦去其王。後為熊母康母康蚤死，熊渠卒。史記世家子熊翔即位，卒，長子摯有疾，少子熊延即位。古史宋均樂緯注：熊渠嫡嗣曰熊摯，有惡疾，不得為後，別居于夔，為楚附庸。後王命

尚史 楚世家卷七

曰夔子也。○按史記熊渠子三人又曰母康蚤死熊渠卒子熊
摯紅立摯紅卒其弟弒而代立曰熊延所謂母康或即長子康
摯紅或即中子紅而熊延者豈即少子執疵歟又曰弒而
代立所弒為誰復不可知所叙不甚詳晰今姑從燕說 熊延

生熊勇熊勇六年而周人作亂攻厲王厲王出奔彘熊勇十年

卒弟熊嚴為後熊嚴十年卒有子四人長子伯霜中子仲雪次

子叔堪少子季徇熊嚴卒長子伯霜即位熊霜元年周宣王初

立熊霜六年卒三弟爭立仲雪死叔堪亡避難于濮而少弟季

徇即位是為熊徇熊徇二十二年卒子熊罟即位熊罟九年卒

子熊儀即位史記世家

熊儀若 熊坎霄 熊駒蚡

熊儀是為若敖若敖元年周宣王三十八年也若敖二十年幽

王為犬戎所弒周東徙二十七年若敖卒子熊坎即位是為霄

敖霄敖六年卒子熊駒即位是為蚡冒蚡冒十七年卒其子即

位史記世家

武王十九年
入春秋

武王名熊通蚡冒之弟也蚡冒卒通弒其子而代立是為楚武

王史記世家武王十九年魯隱公即位二十一年隱三周平王崩桓

王立三十五年桓六我侵隨國名使遠章求成三十七年桓八武

王合諸侯于沈鹿黃隨不會黃亦國名使遠章讓黃王伐隨隨及我

平乃盟而還左傳是年楚自立為武王始開濮地而有之史記世家

楚伐隨曰我蠻夷也欲觀中國之政請王室尊吾號隨為之請

王室不聽熊通怒曰吾先鬻熊文王之師也蚤終成王舉我先

王史 楚世家卷七

公乃以子男田令居楚蠻夷皆率服而王不加位我自尊耳乃自立為武王

三十八年桓九年我圍鄧

鄧敗鄧師鄧潰四十年桓十年

我將盟貳軫名二國鄭人將與隨

伐絞大敗之為城下之盟而還伐絞之役羅

熊姓人欲伐我四

十二年桓十年伐羅我師敗績屈瑕縊羣帥囚于冶父以聽刑王

曰孤之罪也皆免之四十四年桓十年周桓王崩莊王立五十一

年莊四年王荆尸授師子焉以伐隨

荆亦楚號尸陳也更為楚陳

然則楚始于此春三月王薨于櫛木之下令尹鬬祈莫敖屈重

除道梁澆營軍臨隨隨懼行成屈重入盟且請為會于漢汭而

還濟漢而後發喪傳謚曰武在位五十一年

文王

文王名熊賁武王之子也文王二年莊六年王伐申自申還伐鄧

說文文王伐鄧使王子革王子靈据菜二子見老人載畚乞焉

不與搏而奪之王闕之拘二子將殺之大夫辭曰殺之非其罪

也言率又人造軍而言曰鄧無道故伐之今君公之子搏而奪

吾畚無道甚于鄧君見之曰討有罪而橫奪非所以禁暴也恃

力虐老非所以教幼也愛子棄法非所以保國也私二

子滅三行非所以從政也丈人舍之矣謝之軍門之外六年莊

年王伐息名蔡救息我敗蔡師于莘以蔡侯獻舞歸八年莊十

周莊王崩僖王立初蔡哀侯繩息媯以語王王如息以食入享

遂滅息以息媯歸十年莊十四年楚子以息媯故伐蔡入之十二年

莊十六年伐鄭及櫟十三年莊十七年周僖王崩惠王立十四年莊十八年閻

敖之族為亂閻敖大夫先冬巴人因之以伐我名巴國十五年莊

尚史

九年王禦巴師大敗于津還鬻拳夫弗納遂伐黃 大贏姓 敗黃師下

踏陵還及湫有疾夏六月薨葬夕室左 謚曰文在位十五年

世家十三年卒淮南子楚文王好服獬冠楚國效之又曰文王

污膺鮑申偃背以成楚國之治說苑荆文王得如黃之狗筒

之贈畋于雲夢二月不反得舟之姬暮年不聽朝保申諫曰

王卜以臣為保吉今王罪當答匍伏將答王王曰不穀託于

侯矣願請無答保申曰臣承先王之命無敢廢王不受答是

先王之命也王曰敬諾乃席王王伏東細箭五十跪而加之

背如此者再王曰有答之名一也遂致之保申曰臣聞之君

耻之小人痛之耻之不變痛之何益保申趨出欲自流王曰

不穀之過保何罪乃變行從保申殺如黃之狗

折筮籥之贈逐舟之姬務治乎荆呂覽舟作舟

堵敖 成王

堵敖 楚始號君曰敖自此以 名熊羆文王之子堵敖元年魯

公之二十年也 史記世家 在位三年弟熊暉弑之而代立是為

成王成王四年 莊二十 始聘于魯六年 莊二十 我伐鄭諸侯救

鄭我師夜遁八年 莊三 殺令尹公子元十三年 僖元 始改號曰

楚秋伐鄭 鄭即 十四年 僖二 侵鄭十五年 僖三 伐鄭十六年 僖四

年 齊以諸侯之師侵蔡蔡潰遂伐我王使屈完如師屈完及諸

侯盟于召陵十七年 僖五 滅弦 國名 十八年 僖六 諸侯伐鄭我圍

許以救鄭諸侯救許乃還冬蔡侯將許男見王于武城許男面

縛銜璧大夫衰經士輿櫬王問諸逢伯對曰昔武王克殷微子

啟如是武王親釋其縛受其璧而祓之焚其櫬禮而命之使復

其所王從之二十年 僖八 周惠王崩襄王立二十三年 僖十 黃

人不歸我貢我伐黃滅之二十七年 僖十 我伐徐諸侯伐厲 楚

尚

國以救徐冬我敗徐于婁林二十八年僖十年齊伐厲明年伐英

氏楚與國以報婁林之役三十年僖十年鄭伯始來朝王賜之金既

而悔之與之盟曰無以鑄兵故以鑄三鐘三十二年僖二十年隨以

漢東諸侯叛我我伐隨取成而還三十三年僖二十一年及宋人齊

人盟于鹿上秋王及諸侯宋陳蔡鄭許曹會于孟執宋公以伐宋冬會

于薄以釋之三十四年僖二十二年宋伐鄭我伐宋以救鄭及宋師

戰于泓宋師敗績鄭勞王于柯澤王取鄭二姬以歸三十五年

僖二十三年伐陳取焦夷城頓四邑名而還三十六年僖二十四年我及宋

平宋公來朝周王子帶以狄師伐周周襄王處于汜三十七年

僖二十五年晉納襄王殺王子帶秋秦晉伐都小國名我以申息之師

戍商密郟別邑商密降秦秦囚鬪克屈禦寇二公子以歸三十八年

僖二十六年魯公子遂來乞師道我伐齊宋秋我滅夔以夔子歸宋

叛我即晉冬伐宋圍緡魯侯以我師伐齊取穀真桓公子雍于

穀申公叔侯戍之三十九年僖二十七年王及諸侯陳蔡鄭許圍宋四十

年僖二十八年晉伐曹衛以救宋王入居于申使申公叔侯去穀使

成得臣去宋曰無從晉師得臣請戰王怒少與之師得臣及晉

師戰于城濮我師敗績我殺得臣衛侯來奔四十四年僖三十年

晉楚平四十五年僖三十三年令尹鬪勃侵陳蔡陳蔡成遂伐鄭將納

公子瑕晉侵蔡我救之不戰而歸王殺鬪勃四十六年文元年冬十

月大子商臣以宮甲圍王王請食熊蹯而死弗聽丁未王縊謚

之曰靈不暝曰成乃暝左傳在位四十六年

穆王

王名商臣成王之太子也成王既立商臣又欲立王子職商臣

遂弒成王而自立是為穆王王二年文三我圍江江國名晉伐我

以救江冬晉告于周周及晉伐我門于方城而還三年文四我

滅江四年文五滅六冬滅蓼六蓼並國名七年文八周襄王崩頃王

立八年文九王師于狼淵以伐鄭鄭及我平夏侵陳克壺邱秋

公子朱伐陳陳人敗之獲公子茂陳懼及我平冬使越椒如魯

聘九年文十鬬宜申與仲歸謀弒王王殺宜申及仲歸秋陳鄭

會王于息遂及蔡侯次于厥貉將以伐宋宋逆王遂導以田孟

諸十年文十一伐麋十一年文十二羣舒叛舒偃姓我執舒子平及宗

子遂圍巢宗巢二國羣舒之屬十二年文十三王薨左傳謚曰穆在位十二年

莊王

莊王名旅史記名侶穆王之子也元年文十四春周頃王崩匡王立秋

令尹成嘉大師潘崇將襲羣舒使公子燮與鬬克守燮克作亂

城郢使賊殺成嘉不克而還秋八月燮克以王出將如商密廬

戢黎守廬大夫誘之殺燮及克史記莊王即位三年不出號令日夜

左抱鄭姬右抱越女坐鐘鼓之間伍舉曰願有進隱曰有鳥在

卓三年不蜚不鳴是何鳥也王曰三年不蜚蜚將冲天三年不

鳴鳴將驚人舉退矣吾知之矣居數月淫益甚大夫蘇從入諫

王曰若不聞令乎對曰殺身以明君臣之願也于是罷淫樂聽

政所誅者數百人所進者數百人任伍舉蘇從以政國人說

吳越春秋作伍舉說苑作蘇從呂氏春秋作成公賈韓非子作

楚世家卷七

尚史

右司馬御衛新三年文十庸人帥羣蠻以叛廬戡黎侵庸王乘駟宣元

會師于臨品秦人巴人從我師羣蠻從王盟遂滅庸六年宣元

王侵陳遂侵宋晉伐鄭我救鄭晉師還七年宣二晉侵鄭我救

之晉師去新序晉伐楚三舍不止大夫請擊之莊王曰先君之

先臣之時晉不伐楚今臣之身而伐楚是孤之過也大夫曰

俛而泣起而拜羣大夫晉人聞之曰君臣爭以過為在已且君

下其臣不可伐也乃夜還師韓非子曰臣愚患知之如目也能見百

步之外而不能自見其睫王之兵敗于秦晉喪地數百里此兵

之弱也莊蹊蹻為盜于境內而吏不能禁此政之亂也王之弱

亂非越之下也欲伐越此知之如目也王乃止說苑莊王伐陽

夏師久而不罷王獵于雲夢椒舉進諫曰王所以多得獸者馬

也而王國亡王之馬豈可得哉王曰不穀知拙強國之可以長

諸侯也知得地之可以為富也而忘吾民之不用也明日飲諸

大夫酒以椒舉為上客罷陽夏之師父曰莊王欲伐晉使豚尹

觀焉反曰不可伐也其憂在上其樂其下且賢臣在焉曰沈駒

明年又使豚尹觀反曰可矣初之賢人死矣諂諛多在君之廬

其君好樂而無禮其下危處以怨上伐之民必先反韓詩外傳

莊王將伐晉孫叔敖以嬖鄉黃雀諫語司國語莊辛。諸說皆無徵

冬周匡王崩定王立八年宣三

王伐陸渾之戎遂至于雒觀兵于周疆定王使王孫滿勞王

王問鼎之大小輕重焉對曰在德不在鼎周德雖衰天命未改

鼎之輕重未可問也鄭即晉夏我侵鄭九年宣四令尹越椒殺

蕩賈將攻王王以三王之子為質三王文弗受王與若敖氏戰

于臯澣滅之冬伐鄭十年宣五伐鄭陳及我平晉救鄭伐陳十

一年宣六伐鄭取成而還既成鄭伯逃歸十三年宣八滅舒蓼

王疆之及滑汭盟吳越而還冬伐陳取成而還十四年宣九伐

鄭鄭伯逃晉救鄭鄭敗我師于柳林十五年宣十鄭及我平諸

尚史 楚世家卷七

侯伐鄭鄭又及諸侯平冬我伐鄭晉救之逐我師于潁北十六

年宣十一年我伐鄭及櫟鄭成夏王及陳侯鄭伯盟于辰陵鄭又徵

事于晉陳弒靈公冬伐陳遂入陳殺夏徵舒納公孫寧儀行父

于陳說苑莊王伐陳使人視之使者曰不可伐也城高溝深蓄積多其國寧也王曰陳小國也而蓄積多賦歛重矣城高

溝深民力罷矣伐陳遂取之又有莊王伐陳吳救之左史倚相敗吳師事○按陳至弒君何謂國寧倚相亦不當莊王時說謬

十七年宣十二年春王圍鄭克之鄭伯肉袒牽羊以逆左右曰不可

許也得國無赦王曰其君能下人必能信用其民矣庸可幾乎

退三十里而許之平公羊莊王伐鄭鄭伯肉袒以逆莊王莊王親自手旌左右搗軍退舍七里將軍子重

諫曰南郢之與鄭相去數千里請大夫死者數人廝役扈養死者數百人今君勝鄭而不有無乃失民臣之力乎莊王曰古者

杆不穿皮不燼則不出于四方是以君子篤于禮而薄于利要其人而不要其王告從不赦不詳吾以不詳道民災及吾身何

日之有潘厓入盟鄭公子去疾出質夏六月晉師救鄭濟河王北

師次于邲將飲馬于河而歸聞晉師既濟王欲還嬖人伍參欲

戰王改乘轅而北之次于管以待之公羊晉師救鄭者至請戰莊王許諾將軍子重諫曰

晉大國也王師淹病矣君請勿許也莊王曰弱者吾威之強者吾辟之是使寡人無以立乎天下令之還師而逆晉寇

師在敖部之間王使少宰如晉師且使求成于晉晉人許之盟

有日矣我使欒伯致晉師既免晉使魏錡來請戰趙旃來召盟

王乘左廣逐趙旃會晉使軫車逆之潘黨望其塵告曰晉師至

矣我亦懼王之入晉軍也遂出陳疾進師車馳卒奔乘晉軍晉

師右移上軍未動工尹齊將右拒卒以逐下軍王使唐狡與蔡

鳩居並大告唐惠侯曰不穀不德而貪以遇大敵不穀之罪也

然楚不克君之羞也敢藉君靈以濟楚師使潘黨將游闕四十
乘從唐侯以為左拒以從上軍及昏我師軍于邲晉之餘師不
能軍宵濟亦終夜有聲丙辰楚重至于邲遂次于衡雍潘黨曰
君盍築武軍而收晉師以為京觀臣聞克敵必示子孫以無忘
武功王曰非爾所知也夫文止戈為武武王克商作頌曰載戢
干戈載櫜弓矢我求懿德肆于時夏允王保之又作武其卒章
曰耆定爾功其三曰敷時繹思我徂惟求定其六曰綏萬邦屢
豐年夫武禁暴戢兵保大定功安民和眾豐財者也故使子孫
無忘其章今我使二國暴骨暴矣觀兵以威諸侯兵不戢矣暴
而不戢安能保大猶有晉在焉得定功所違民欲猶多民何安

焉無德而強爭諸侯何以和眾利人之幾而安人之亂以為已
榮何以豐財武有七德我無一焉何以示子孫其為先君宮告
成事而已武非吾功也古者明王伐不敬取其鯨鯢而封之以
為大戮于是乎有京觀以懲淫慝今罪無所而民皆盡忠以死
君命又何以為京觀乎祀于河作先君宮告成事而還新書莊
王伐鄭
南與晉戰于兩棠大克晉人王歸過申侯之邑申侯進食自中
而王不食申侯請罪王歎曰吾聞之君賢而有師者王中君而
有師者霸下君而羣臣莫若者亡今我下君也而羣臣又莫若
不穀不穀恐亡且世不絕賢天下有賢而我獨不得若吾生者
何以食為呂氏春秋莊王獵于雲夢射隨兕中之申公子培劫
而奪之王曰何暴而不敬也命吏誅之大夫諫曰子培賢者也
此必有故願察之不出三月子培疾而死兩棠之戰大勝晉歸
而賞功子培之弟請賞曰臣兄之有功也于車下王曰奚謂也
對曰臣之兄嘗讀故記曰射隨兕者不出三月臣之兄懼而爭
之故死王命發平府書而視之于故記有焉乃厚賞之說苑莊

王好獵大夫諫曰晉敵國也楚不謀晉晉必謀楚今王無乃就于樂乎王曰吾獵以求士也其榛叢刺虎豹者吾以知其勇其攫犀搏兕者吾以知其勁有力罷田而分所得吾以知其仁因是道也而得三士焉又曰莊王賜羣臣酒日暮酒酣燭滅有引婦人之衣者美人援絕其冠纓告王曰今者燭滅有引妾衣者妾援得其冠纓趣火來上視絕纓者王曰賜人酒使醉失禮奈何欲顯婦人之節而辱士乎乃命曰今日與寡人飲不絕纓者不懼羣臣皆絕其冠纓而上火卒盡歡而罷居二年晉與楚戰有一臣常在前五合五獲首却敵卒得勝之王怪而問曰寡人未嘗異子子何出死不疑對曰臣夜絕纓者也又曰莊王與晉戰勝之懼諸侯之畏已也乃築為五仞之臺而觴諸侯諸侯請約莊王曰我薄德之人也仰而曰將將之臺窅窅其謀我言而不當諸侯伐之于是遠者來朝近者入賓又曰莊王築層臺延石千重延壞百里諫者七十二人皆死諸御已諫遂解層臺而罷民淮南子令尹子佩請飲莊王莊王許諾子佩疏揖北面立于殿下曰昔者王許之今不果往意者臣有罪乎王曰吾聞子具于強臺強臺者南望料山以臨方皇左江而右淮其樂忘死吾薄德之人不可以當此樂也○諸說荒誕呂覽尤妄 鄭伯許男來冬伐蕭附庸宋以蔡人救之遂滅蕭十八年宣十年伐

宋十九年宣十年鄭伯來謀晉王使申舟聘于齊無假道于宋宋

殺之秋九月王圍宋二十年宣十年夏五月宋及我平二十三年

宣十年秋七月王薨左韓非子莊王有茅門之法曰羣臣入朝馬蹄踐雷廷理斬其朝而戮其御大夫入泣曰為我誅廷理王曰

法者所以敬宗廟尊社稷夫犯法廢令不尊敬社稷是臣乘君下尚校也臣乘君則主失威下尚校則上位危社稷不守何以遺子孫大子乃還走避舍再拜請死說苑作少師慶尸子雨雪莊王被裘當戶曰我猶寒彼百姓賓客甚矣乃使巡國中求百姓賓客之無居宿絕糧者賑之國人大說說苑莊王見天不見妖地不出孽則禱于山川曰天其忘子歟淮南子莊王好觴冠楚國倣之又曰莊王裾衣博袍令行乎天下遂霸諸侯

謚曰莊在位二十三年

共王

共王名審莊王之子也王二年成二年王將伐魯使屈巫聘于齊

告師期適魯會晉伐齊我侵魯及陽橋以救齊魯請盟許之冬

十一月公子嬰齊及魯侯蔡侯許男諸侯之大夫秦宋陳衛鄭齊曹邾薛鄭

盟于蜀三年成三諸侯伐鄭鄭敗諸邱與皇成來獻捷我歸荀

營于晉四年成四晉伐鄭我救之五年成五許愬鄭于我我執

鄭皇成鄭叛我及晉平冬定王崩簡王立六年成六伐鄭晉救

之遇于繞角我師還晉師遂侵蔡我救蔡禦諸桑隧晉師還七

年成七伐鄭諸侯救鄭鄭軍我師囚鍾儀獻諸晉八年成八晉

侵蔡遂侵我獲申驪九年成九我以重賂求鄭鄭伯會公子成

于鄧秋晉執鄭伯伐鄭我侵陳以救鄭晉歸鍾儀于我以求成

冬自陳伐莒莒潰遂入鄆十二月使公子辰如晉報鍾儀之使

請修好結成十一年成十宋華元來遂如晉合晉楚之成十二

年成十夏五月公子罷許偃會晉士燮盟于宋西門之外諸侯

遂會于瑣澤晉郤至來聘且涖盟冬公子罷如晉聘且涖盟十

二月及晉侯盟于赤棘十五年成十我侵鄭遂侵衛鄭侵我取

新石冬遷許于葉十六年成十王使公子成以汝陰之田求成

于鄭鄭叛魯及王盟于武城晉伐鄭王救之晉楚遇于鄢陵及

戰射王中目王宵遁殺公子側以公子嬰齊為令尹淮南子恭王戰于陰

陵潘廙養由基黃衰微公孫丙相與篡之王懼而失體黃衰十

七年成十我成鄭晉會諸侯伐鄭我救之諸侯還冬諸侯復伐

鄭我救之諸侯還十八年成十鄭會王伐宋彭城納宋魚石向

為人鱗朱向帶魚府以三百乘戍之而還宋圍彭城我救之伐
 宋宋告急于晋晋侯師于台谷以救宋遇我師于靡角之谷我
 師還十九年襄元晋會諸侯伐鄭晋師自鄭侵我焦夷及陳秋
 我救鄭侵宋呂留周簡王崩靈王立二十年襄二殺右司馬公
 子申二十一年襄三公子嬰齊伐吳克鳩茲至于衡山使鄧廖
 侵吳吳獲鄧廖師歸吳伐我取駕嬰齊卒以公子壬夫為令尹
 陳叛我冬侵陳陳成公卒乃止二十二年襄四侵陳二十三年
襄五討陳叛故殺公子壬夫以公子貞為令尹冬公子貞伐陳
 諸侯救陳二十五年襄七貞圍陳諸侯會于鄆以救之陳使公
 子黃來哀公執之二十六年襄八鄭侵蔡我伐鄭鄭成二十七

年襄九秦使來乞師將伐晋許之秋共王師于武城以為秦援
 冬諸侯伐鄭十二月復伐鄭鄭成我伐鄭鄭又及我平同盟于
 中分鄭城中里名 二十八年襄十我及鄭圍宋秋侵魯西鄙還圍蕭
 諸侯伐鄭城虎牢而戍之鄭及晋平公子貞救鄭鄭又與我盟
 諸侯之師還我師亦還二十九年襄十諸侯圍鄭鄭成同盟于
 亳公子貞乞旅于秦以伐鄭鄭伯逆之伐宋秋諸侯悉師以復
 伐鄭鄭成冬鄭及諸侯會于蕭魚三十年襄十我及秦伐宋報
取鄭秦嬴歸于我秦景公妹為我使公子午聘于秦三十一年
故
襄十王疾告大夫曰不穀不德少主社稷生十年而喪先君未
 及習師保之教訓而應受多福是以不德而亡師于鄆以辱社

稷為大夫憂其弘多矣若以大夫之靈獲保首領以歿于地唯是春秋窳窳之事所以從先君子禰廟者請為靈若厲大夫擇焉莫對及五命乃許冬十二月王薨公子貞謀謚大夫曰君有命矣貞曰君命以共若之何毀之赫赫楚國而君臨之撫有蠻夷奄征四海以屬諸夏而知其過可不謂共乎請謚之大夫從之左傳在位三十一年

康王

康王名昭共王之子也共王三十一年襄十三年薨王即位是年吳侵我戰于庸浦大敗吳師王元年襄十四年公子貞伐吳師還弗傲吳人自皋舟之隘要而擊之敗我師冬公子貞卒公子午為令

尹三年襄十六年晉伐我我及晉師戰于湛阪我師敗績晉師遂侵方城之外五年襄十八年鄭公子嘉欲去諸大夫將叛晉而起我師以去之冬十二月使告公子午午不許王聞而讓午午曰諸侯方睦于晉臣請嘗之午治兵于汾鄭知之完守入保公子嘉不敢會我師我師伐鄭門于純門信于城下而還涉于魚齒之下甚雨及之我師多凍役徒幾盡八年襄二十一年公子午卒使遠子馮為令尹馮辭以疾使公子追舒為令尹九年襄二十二年殺公子追舒復使遠子馮為令尹十一年襄二十四年我為舟師伐吳不為軍政無功而還齊侯伐晉懼而欲見王王使遠啟疆如齊聘秋齊陳無宇來乞師諸侯將伐齊冬王伐鄭以救齊諸侯還救鄭

王使遠啟疆送陳無宇十二年襄二十五年遠子馮卒屈建為令尹
舒鳩人叛屈建伐之吳救之大敗吳師滅舒鳩冬十二月吳子
伐我門于巢巢人牛臣射殺之十三年襄二十六年我及秦人侵吳
遂侵鄭秋許男來請伐鄭遂卒于楚王曰不伐鄭何以求諸侯
冬伐鄭涉于汜而歸十四年襄二十七年宋向戌欲弭諸侯之兵如
晉告晉許之告于我我亦許之告于諸侯皆許之秋七月屈建
及諸侯之大夫盟于宋蒙門之外晉荀盈來涖盟冬遠罷如晉
涖盟十五年襄二十八年秋九月鄭伯來冬十一月魯侯宋公陳侯
許男來十二月靈王崩景王立乙未王薨明年夏四月葬王諸
侯送葬至于西門之外諸侯之大夫皆至于墓左傳謚曰康在位

邾敖

邾敖名麋康王之子也邾敖元年襄二十九年屈建卒公子圍康庶弟
為令尹二年襄三十年使遠罷如魯聘秋公子圍殺大司馬蔣掩而
取其室三年襄三十一年衛侯來四年昭元年公子圍聘于鄭且娶于
公孫段氏遂及諸侯之大夫會于虢冬公子圍將聘于鄭未出
竟聞王有疾而還十一月至入問王疾縊而殺之遂殺其二子
幕及平夏殺大宰伯州犁于邾葬王于邾謂之邾敖左傳在位四
年無謚

靈王

靈王初名圍共王之子康王之庶弟也初為令尹邾敖四年昭元年

年弒邾敖而自立改名虔是為靈王以遠罷為令尹是年鄭游

吉來葬邾敖且聘立君王二年昭三年鄭伯來與之田于江南之

夢三年昭四年許男來王止之遂止鄭伯獲田江南使椒舉如晉

求諸侯且請昏晉許之夏六月王及諸侯蔡陳鄭許徐滕淮夷

會于申徐子吳出也以為貳執于申秋七月王以諸侯伐吳圍

朱方執齊慶封殺之遂滅賴遷賴于鄢欲遷許于賴伐鬬韋龜

與公子去疾城之而還冬吳伐我入棘櫟麻東國水不可以城

彭生楚大夫罷賴之師四年昭五年殺大夫屈申貳子以屈生子屈建

為莫敖使與遠罷如晉逆女晉韓起來送女羊香盼為介玉欲

以起為閭盼為司官以辱晉遠啟疆進說乃厚為之禮冬十月

王以諸侯蔡陳許頓伐吳吳子使其弟蹶由來犒師執之將以

釁鼓既而赦之及汝清吳不可入遂觀兵于坻箕之山無功而

還王懼吳使沈尹射待命于巢遠啟疆待命于雩婁五年昭六年

公子棄疾如晉秋徐儀楚徐大夫來聘王執之逃歸懼其叛也伐

徐吳救之遠罷伐吳吳敗我師于房鍾六年昭七年王成章華之

臺願與諸侯落之遠啟疆曰臣能得魯君遂如魯召魯侯魯侯

來王享之于新臺好以大屈弓名既而悔之遠啟疆說魯侯使反

之新書翟使至楚楚王誇以章華之臺臺甚高三休乃至楚王

也堂高三尺壞陸三系苑茨弗翦采椽弗刮翟惡見此臺也翟王之室

猶以作者大苦居者大佚翟惡見此臺也七年昭八年陳殺其

世子偃師哀公縊使行人干徵師來赴殺之秋公子去疾圍陳

冬滅陳使穿封戌為陳公八年昭九年諸侯之大夫魯宋鄭衛會王于

陳公子去疾遷許于夷然丹還城父人于陳遷方城外人于許

夏四月陳災十年昭十年王在申召蔡侯伏甲而饗之殺蔡侯刑

其士七十人蔡侯弒父故公子棄疾圍蔡晉使請蔡弗許冬滅蔡用

隱大子于岡山遂城陳蔡不羹使棄疾為蔡公十一年昭十年殺

大夫成熊令尹成得臣孫冬圍許以懼吳王次于乾谿以為之援十二

年昭十年春王在乾谿初王之殺邾敖也公子比出奔晉公子黑

肱出奔鄭及是黑肱公子棄疾因四族蒧氏許圍蔡淮蔓成然之徒以入

楚殺大子祿及公子罷敵公子比為王黑肱為令尹棄疾為司

馬先除王宮使觀從從師于乾谿而告之師潰公羊靈王為無道作乾谿之臺

三年不成楚公子棄疾脅比而立之然後令于乾谿之役曰比已立矣復歸者不得復其田里衆罷而去之王聞羣

公子之死也自投于車下曰人之愛其子也亦如余乎侍者曰

甚焉小人老而無子知擠于溝壑矣王曰余殺人子多矣能無

及此乎然丹曰請待于郊以聽國人王曰衆怒不可犯也曰若

入于大都而乞師于諸侯王曰皆叛矣曰若亡于諸侯以聽大

國之圖君也王曰大福不再祇取辱焉王必夏將欲入鄢史記靈王

獨傍隍山中野人莫敢入王行遇故銷人謂曰為我求食我已不食三日矣銷人曰新王下法有敢饒王從王者罪及三族

且又無所得食王枕其股而卧銷人以申亥求王遇諸棘闡以上自代逃去王覺而弗見遂饑弗能起

歸夏五月王縊于申亥氏申亥以其二女殉而葬之平王時申

亥以王柩告乃改葬之初王卜曰余尚得天下不吉投龜詬天

而呼曰是區區者而不余畀余必自取之民患王之無厭也故
從亂如歸左墨子靈王好士細腰王之臣皆以一飯為節肱息
傳然後帶扶墻然後起期年朝有黧黑之危春秋繁
露靈王行強乎陳蔡意廣以武不顧其行慮所美內罷其眾乾
谿有物女水盡則女見水滿則不見靈王舉發其國而役三年
不罷楚國大怒。繁露語頗未詳。在位十二年謚曰靈

平王

公子比附

平王名棄疾及公子比公子黑肱皆共王之子靈王之弟也棄
疾初事靈王遷許滅陳皆有功及滅蔡遂為蔡公靈王十二年
昭十三年王在乾谿觀從自蔡召比及黑肱入襲蔡蔡公將食見之
而逃觀從徇于蔡曰蔡公召二子將納之眾乃奉蔡公召二子
而盟于鄧依陳蔡人以國遂入楚及郊陳蔡欲為名故請為武

軍

欲築壘壁示後人為復讐之名

蔡公知之曰欲速

言宜速入

且役病矣請藩而已

乃藩為軍蔡公使湏務牟與史俾

並大

先入因正僕人殺大子

祿及公子罷敵比自立為王黑肱為令尹次于魚陂蔡公為司
馬先除王宮觀從謂比曰不殺棄疾雖得國猶受禍也比曰余
不忍也觀從曰人將忍子夏五月靈王縊國人未及知國每夜
駭曰王入矣乙卯夜蔡公使周走而呼曰王至矣國人大驚使
鬪成然走告比及黑肱曰王至矣國人殺君司馬將來矣君若
早自圖也可以無辱眾怒如水火焉不可為謀又有呼而走至
者曰眾至矣比黑肱皆自殺比字子干初為右尹黑肱別有傳
丙辰棄疾即位改名曰熊居是為平王葬比于訾謂之訾教殺

囚衣之王服而流諸漢乃取而葬之以靖國人使鬪成然為令
 尹平王封陳蔡復遷邑致羣賂施舍寬民宥罪舉職使枝如子
 躬聘于鄭初共王無冢適有寵子五人無適立焉乃大有事于
 羣望而祈曰請神擇于五人者使主社稷乃徧以璧見于羣望
 曰當璧而拜者神所立也誰敢違之既乃與巴姬密埋璧于大
 室之庭使五人齊而長入拜從長幼以次拜康王跨之靈王肘加焉公
 子比公子黑肱皆遠之王弱抱而入再拜皆厭紐楚之滅蔡也
 靈王遷許胡沈三小國道房申皆故諸侯于荆焉王即位封陳蔡而皆
 復之隱大子之子廬歸于蔡悼大子之子吳歸于陳王元年昭十
 年四使然丹簡上國之兵于宗邱且撫其民使屈罷簡東國之兵

于召陵好于邊疆息民五年而後用師秋九月殺鬪成然以陽
 句為令尹三年昭十王誘戎蠻子嘉殺之取蠻氏既而復立其
 子五年昭十吳伐我戰于長岸大敗吳師獲其乘舟餘皇吳夜
 從之大敗我師取餘皇以歸冬遷許于白羽六年昭十遷陰于
 下陰城郟陰郟並楚邑王使費無極為大子建聘于秦無極勸王取
 之正月夫人嬴氏至自秦使大子建居城父使陽句聘于秦拜
 夫人也冬歸吳蹶由吳王弟靈王所執七年昭十王殺大子傅伍奢使
 司馬奮揚殺大子建建奔宋宋華氏亂遠越帥師逆華氏九年
 昭二十一年宋華亥向寧來奔夏四月景王崩悼王立王子朝作亂
 冬悼王崩敬王立十年昭二十吳伐州來我及諸侯之師救之

令尹陽句卒于軍戰于雞父我師大奔以囊瓦為令尹城郢十

一年昭二十四年王為舟師以畧吳疆及圍陽而還吳踵我滅巢及

鍾離而還十二年昭二十五年城州屈復茄人城邱皇遷訾人州屈邱皇

並楚郭巢郭卷巢卷亦楚邑十三年昭二十六年秋九月王薨左傳謚

曰平在位十三年新語楚平王奢侈縱恣不能制下檢民以德

可及于是楚國通奢君臣無別

昭王

昭王名軫平王之太子也平王十三年昭二十六年薨王即位冬十

一月周敬王入于成周王子朝來奔王元年昭二十七年吳伐我使

公子掩餘公子燭庸圍潛我救潛一師遇于窮一師至于替吳

師不能退吳弑其王僚掩餘奔徐燭庸奔鍾吾我師還夏四月

殺大夫卻宛秋九月殺費無極盡滅其族四年昭三十年吳公子掩

餘燭庸來奔王使居養楚邑以害吳冬吳執鍾吾子遂滅徐我救

徐弗及遂城夷夷城父也使徐子處之五年昭三十一年吳侵我伐夷侵

潛六並楚邑我救潛吳師還吳圍弦我救弦及豫章吳師還八年

定二年囊瓦伐吳師于豫章吳敗我師遂圍巢克之獲我公子繁

十年定四年蔡滅沈我為沈故圍蔡冬蔡侯吳子唐侯伐我十二

月陳于栢舉吳擊我師大敗之囊瓦奔鄭五戰及郢昭王取妹

芊昇我平王女以出涉睢鍼尹固與同舟王使執燧象以奔吳師

燒火燧繫象尾驚却吳師遂濟江入于雲中王寢盜攻之以戈王奔鄭鄭公

均史 楚世家卷七 年

辛與其弟巢以王奔隨吳人從之使出王王之兄公子結似王
逃工而已為王曰以我與之隨人卜與之不吉乃辭吳人王割
公子結之心以與隨人盟當心前割取血以盟申包胥如秦乞師十一年
定五夏六月申包胥以秦師救我大敗吳師于沂又敗之軍祥
遂滅唐又敗吳師于公壻之谿沂軍祥公壻之谿並楚地冬十月王入郢殺
昭王之軍敗而逃父老送之曰寡人不肖亡先君之邑父老反
矣何憂無君寡人且用此入海矣父老曰有君如此其賢也以
眾不如吳以不死不如楚相與擊之一夜而三敗吳人新書昭
王與吳人戰軍敗昭王走而屢決失之行三十步復旋取屨及
至于隋左右問曰王何惜一蹄屨乎王曰楚雖貧豈愛一蹄屨
哉惡與借出弗與借反也自是楚俗無相棄者又曰昭王當房
而立嗷然有寒色曰寡人朝時酒二醜重裘而立猶惛然有寒
氣奈我百姓何是日也出府之裘以衣寒者出倉之粟以賑饑
者居二年闔廬襲郢昭王奔隨諸當王之賜者請還戰至十二
死之冠闔廬一夕五徙不能賴楚夷師而去昭王乃復

定六年吳敗我舟師公子結又以陵師敗于繁陽我大惕懼亡

遷郢于都而改紀其政二十年定十滅頓以頓子牂歸二十一

定十年滅胡二十二年哀元圍蔡使疆于江汝之間師還蔡請

遷于吳二十五年哀四我克夷虎蠻夷叛我者圍蠻氏蠻氏潰蠻子

赤奔晉晉執之歸于我二十七年哀六吳伐陳昭王曰吾先君

與陳有盟不可以不救乃救陳秋七月師于城父卜戰不吉卜

退不吉王曰然則死也再拜楚師不如死棄盟逃讐亦不如死

死一也其死讐乎命公子申為王不可命公子結亦不可命公

子啟五辭而後許將戰王有疾庚寅王攻大冥薨于城父公子

啟與公子申公子結謀潛師閉塗逆越女之子章立之而後還

是歲也有雲如衆赤鳥夾日以飛三日王使問諸周大史說苑作大

史州周大史曰其當王身乎若禘之可移于令尹司馬王曰除

腹心之疾而寘諸股肱何益不穀不有大過天其天諸有罪受

罰又焉移之遂弗禘及王有疾卜曰河為祟王弗祭大夫請祭

諸郊王曰二代命祀祭不越望江漢睢章楚之望也禍福之至

不是過也不穀雖不德河非所獲罪也遂弗祭孔子曰楚昭王

知大道矣其不失國也宜哉左韓詩外傳傳作莊王誤在位二十七年謚曰

昭

惠王

惠王名章昭王妾越女所生也昭王薨章即位于城父是為惠

王元年魯哀公七年也三年哀九我伐陳陳即吳故四年哀十伐陳

吳救陳不戰而還七年哀十伐陳九年哀十伐吳及桐汭秋齊

陳瓘來十年哀十孔子卒六月晉伐鄭我救之白公勝作亂殺

公子申公子結而劫惠王欲以公子啟為王啟不可殺之以王

如高府楚別府圍公陽大夫穴宮負王以如昭夫人之宮葉公沈諸

梁攻勝勝縊國寧使公子申之子寧為令尹公子結之子寬為

司馬十一年哀十滅陳史記世家十二年哀十巴人伐我圍鄭我

敗之于鄆冬周敬王崩元王立十三年哀十越侵我我追越師

至寘不及而還寘越地史記世家秋我伐東夷三夷男女及我

師盟于敖敖東左二十六年哀二十周元王崩定王立四十二年

悼二十一年 滅蔡四十四年 悼二十三年 滅杞與秦平是時越已滅吳而

不能正江淮北我東侵廣地至泗上四十八年 悼二十七年 周定王

崩考王立五十七年 悼三十六年 王薨 史記世家 謚曰惠在位五十七年

新序楚惠王食寒菹而得蛭因遂吞之腹有疾不能食令尹入問疾王曰我食寒菹而得蛭念謹之而不行其罪是法廢而威不立也謹而行其誅則庖宰食監法皆當死心又不忍也吾恐蛭之見也因遂吞之令尹再拜而賀曰臣聞天道無親惟德是輔君有仁德天之所奉也病不為傷是夕也惠王之後蛭出新書同

簡王 以下 戰國 聲王 悼王 肅王 宣王 威王

簡王名中惠王之子也簡王元年北伐滅莒六年周考王崩威

烈王立二十四年簡王薨子聲王當即位聲王六年盜殺聲王

子悼王疑即位是年周威烈王崩安王立悼王二年三晉來伐

我至乘邛而還四年我伐周九年伐韓取負黍十一年三晉伐

我敗我大梁榆闕我厚賂秦與之平二十一年悼王薨子肅王

滅即位肅王四年蜀伐我取茲方于是為扞闕以拒之五年周

安王崩烈王立十年魏取我魯陽十一年肅王薨無子立其弟

良夫是為宣王宣王立年周烈王崩顯王立六年周天子賀秦

獻公秦始復疆而三晉益大三十年秦封衛鞅于商南侵我是

年宣王薨子威王商即位威王六年越王無疆伐齊齊說之伐

我越王從之我興師伐之大敗越人殺王無疆盡取故吳地七

年齊田嬰欺我我伐齊敗之于徐州十一年威王薨 史記世家

懷王 頃襄王

懷王名槐威王之子也威王十一年薨王即位魏聞楚喪伐楚
取我陘山六年使柱國昭陽將兵攻魏破之于襄陵八邑秦使
張儀與楚齊魏相會盟齧桑八年周顯王崩慎靚王立十四年
慎靚王崩赧王立十一年蘇秦約從山東六國共攻秦王為從
約長至函谷關秦出兵擊六國六國兵皆引而歸十六年秦欲
伐齊而楚與齊從親秦患之乃使張儀南見王請楚絕齊西從
儀取商於之地六百里王大悅乃置相璽于張儀日與置酒宣
言吾復得吾商於之地羣臣皆賀而陳軫獨弔且曰地未可得
而齊交先絕是楚孤也必見欺于張儀弗聽絕齊齊怒折楚符
而合于秦張儀乃謂楚將曰子受地從某至某廣袤六里王大
怒興師將伐秦陳軫曰伐秦非計也不如與之伐齊是我亡于
秦取償于齊也王不聽發兵西攻秦秦亦發兵擊之十七年戰
于丹陽大敗我軍斬甲士八萬虜屈匄遂取漢中郡王大怒悉
國兵復襲秦戰于藍田大敗我軍韓魏聞楚之困乃南襲楚至
于鄧楚乃引兵歸十八年秦使約復與楚親分漢中之半以和
楚王曰願得張儀不願得地張儀使楚王囚張儀儀私與靳向
靳向與夫人鄭袖言于王而出之儀因說王以叛從約而與秦
合親約婚姻張儀去是年秦惠王卒二十年齊湣王欲為從長
惡楚與秦合乃使使遺王書曰寡人患楚之不察于尊名也今
秦惠王死武王立張儀走魏樗里疾公孫衍用而楚事秦夫樗

里疾善乎韓而公孫衍善乎魏楚必事秦韓魏恐必因二人求
合于秦則燕趙亦宜事秦四國爭事秦則楚為郡縣矣王何不
與寡人并力收韓魏燕趙與為從而尊周室以案兵息民令于
天下莫敢不樂聽則王名成矣王率諸侯並伐則破秦必矣王
取武關蜀漢之地私吳越之富而擅江漢之利韓魏割上黨西
薄函谷則楚之疆百萬也且王欺于張儀亡地漢中兵銜藍田
天下莫不代王懷怒今乃欲先事秦願大王孰計之王見齊王
書猶豫不決下其議羣臣羣臣或言和秦或曰聽齊昭睢曰王
必取地于秦而後足以刷恥于諸侯王不如深善齊韓以重樗
里疾如是則王得韓齊之重以求地樗里子必言秦復與楚之
侵地矣于是王許之竟不合秦而合齊以善韓二十四年倍齊
而合秦秦昭王初立乃厚賂于楚楚往迎婦二十五年王入與
秦昭王盟于黃棘秦復與我上庸二十六年齊韓魏為楚負從
親三國共伐楚楚使太子入質于秦請救秦遣將將兵救楚三
國引兵去二十七年太子殺秦大夫而亡歸二十八年秦與齊
韓魏共伐楚殺楚將唐昧取我重邱而去二十九年秦復攻楚
大破楚楚軍死者二萬殺我將軍景缺王恐乃使太子為質于
齊以求平三十年秦復伐楚取八城秦昭王遺王書曰始寡人
與王約為兄弟盟于黃棘太子為質至驩也太子陵殺寡人之
重臣不謝而亡去寡人誠不勝怒使兵侵君王之邊今聞君王

乃令大子質于齊以求平寡人與楚接境壤界故為婚姻所從
相親久矣而今秦楚不驩則無以令諸侯寡人願與君王會武
關面相約結盟而去寡人之願也敢以聞下執事王見秦王書
患之欲往恐見欺無往恐秦怒昭睢曰王毋行發兵自守耳懷
王子子蘭勸王行曰奈何之驩心于是住會秦昭王昭王
詐令一將軍伏兵武關號為秦王王至則閉武關遂與西至咸
陽朝章臺如蕃臣不與亢禮王大怒悔不用昭睢言秦因留王
要以割巫黔中之郡王欲盟秦欲先得地王怒曰秦詐我而又
彊要我以地不復與秦秦因留之楚大臣患之乃詐赴于齊齊
歸大子大子橫至立為王是為頃襄王乃告于秦世家作齊曰

賴社稷神靈國有王矣頃襄王元年秦要懷王不可得地楚立
王以應秦秦昭王怒發兵出武關攻楚大敗我軍斬首五萬取
析十五城而去二年懷王亡逃歸秦覺之遮楚道懷王恐乃從
間道走趙以求歸趙惠王不敢入懷王懷王欲走魏秦追至遂
與秦使復之秦懷王遂發病三年懷王薨于秦秦歸其喪于楚
楚人皆憐之如悲親戚諸侯由是不直秦秦楚絕新書楚懷王
鑄金以象諸侯令大國之君編而先馬梁王御宋王驂乘周召
畢陳滕薛衛中山之君皆象使隨而趨諸侯聞之興師伐楚楚
王徵役萬人且掘國人之墓國人振動晝旅而夜亂齊人襲
楚師之潰懷王逃適秦免尹殺之西河○按此獨與史記異
六年秦敗韓于伊闕斬首二十四萬秦乃遺頃襄王書曰楚倍秦
秦且率諸侯伐楚爭一旦之命願王之飭士卒樂得一戰王患

之乃謀復與秦平七年楚迎婦于秦秦楚復平十四年王與秦
昭王好惠于宛結和親十五年與秦三晉燕共伐齊取淮北十
六年與秦昭王好會于鄢秋復會于穰十八年楚人有好以弱
弓微繳加歸鴈之上者王聞召而與之語遂言曰先王為秦所
欺而客死于外怨莫大焉今以匹夫有怨尚有報萬乘白公子
胥是也今楚地方五千里帶甲百萬猶足以踊躍中野而坐受
困臣竊為大王弗取也于是王遣使于諸侯復為從欲以伐秦
秦聞之發兵來伐楚楚欲與齊韓連和伐秦因欲圖周周王赧
使武公定王曾孫西周惠公之子說昭王于是計輟不行十九年秦伐楚楚
軍敗割上庸漢北地予秦二十年秦拔我西陵二十一年秦白

起拔我郢燒先王墓夷陵王兵散遂不復戰東北保于陳城二
十二年秦復拔我巫黔中郡二十三年王收東地兵十餘萬復
西取秦所拔我江旁十五邑以為郡距秦二十七年使三萬人
助三晉伐燕復與秦平入天子為質于秦三十六年王病大子
亡歸秋王薨謚曰頃襄史記淮南子頃襄好色不使風議而世家民多昏亂其積至昭奇之禍

考烈王

考烈王名元頃襄王之大子也頃襄王薨大子即位以左徒黃
歇為令尹號春申君王元年納州于秦以平是時楚益弱六年
秦圍邯鄲趙告急楚楚救趙七年至新中中當為市在鉅鹿秦兵去十
二年秦昭王卒使黃歇弔祠于秦十六年秦王政立二十二年

與諸侯共伐秦不利而去東徙都壽春命曰郢二十五年王薨
謚曰考烈史記世家

幽王 哀王 王負芻

幽王名悍考烈王之子李園女弟之所生也李園女弟幸于黃歇有身而後進之

考烈王故太史公于幽王之前特書秦趙政立後書呂不韋卒蓋微辭也考烈王薨幽王即位李園

殺黃歇幽王二年秦魏伐楚十年幽王薨同母弟猶代立是為

哀王哀王立二月餘哀王庶兄負芻之徒襲殺哀王而立負芻

為王負芻二年秦伐楚大破我軍亡十餘城四年秦將王翦破

我軍于蕲殺將軍項燕五年王翦蒙武遂破楚國虜王負芻滅

楚名為楚郡云史記始皇本紀始皇二十三年王翦擊荆虜荆世家王項燕立昌平君為荆王反秦于淮南二

王翦復破荆軍昌平君死項燕自殺○按昌平君者楚

上紀說

其曰楚於蠻夷不與中國通白邲之捷遂扼天下權擠盟主而

上之楚故祖祝融火烈象成也靈平之際焱焰愈熾然猛勢外

灼而陰中闇虛微昭賢楚灰滅矣雖然東挫于句吳北劔于疆

秦天之所壞庸可又乎百昭且危懷襄何有

